

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

# Khutba Jummah

HADHRAT MUHYI-UD-DIN AL-KHALIFATULLAH

*Munir Ahmad Azim*

28 Septembre 2018  
(18 Muharram 1440 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : « **Relation Conjugale dans L'Islam** ».

Imam Bukhari mentionne ene Hadith du Saint Prophète Muhammad (saws), ki rapporté par Hazrat Abou Huraira (ra) et sa Hadith là li comme suite : « *Si ene missié appelle so madame pou satisfaire so désir (sexuelle) et ki li (sa madame là) refuser ; et ensuite mari là passe la nuit en étant mécontent de li, bane anges maudit alors sa madame là ziska ki li réveiller (le lendemain).* »

Nombreux bane madames ki, à la suite d'ene différend (ene dispute) entre zot et zot maris, zot penser ki zot pé puni zot maris kan zot pas donne sa bane là permission pou vine vers zot pour satisfaire zot désirs physiques (sexuelles). Au contraire, sa l'attitude là capave amène bane problèmes graves kot sa capave entraîne ene mari pou alle commette ene acte illicite (*Haraam*) ou bien alors, toute la situation capave retourne contre madame là, kot sa missié capave alle pense pou prend ene deuxième madame. Madame là donc bizin donc satisfaire so désir, en mettant en pratique ene recommandation du Saint Prophète Muhammad (saws).

« *Si ene missié appelle so madame pour gagne relations avec li, li bizin vini tout de suite même si li lors la selle d'ene chameau !* » Tout de même, mari là bizin également prend compte l'état de so madame, ki capave peut être malade, enceinte ou ki li ena kit tracas, et li bizin faire sa – c'est-à-dire, prend compte l'état physique et mentale de so madame afin ki tout déroule bien, avec accorité (consentement), sans difficulté.

Nombreux bane madames ki empresse zot pou demande zot mari le divorce à la suite d'ene ti différend entre zot ou pour ene raison banale. Bane madames ki agir coumsa capave pé faire sa par la poussée de certains de so bane proches parents ou voisines ki habiles dans l'art pou sème la discorde. Et li capave aussi ki madame là alle ziska défier so mari kot li dire li bane paroles irritants et durs, par exemple : « *Divorce-moi si to ene z'homme !* »

Au contraire, zot tous conner ki divorce entraîne bane problèmes considérables comme la séparation de la famille et li faire bane z'enfants vine déséquilibrés. Madame là capave regrette so action par la suite. Mais sa arriver kan fine déza trop tard. Pour sa bane raisons là et bien d'autres raisons encore, la loi islamique dans so sagesse fine interdit à ene madame pou demande le divorce.

Hazrat Thawban (ra) rapporter ki Rassoollullah (saws) fine dire : « *N'importe ki madame ki demande so mari divorce sans raison valable, parfum paradis interdit pou li.* » (Ahmad).

D'après Uqba ibn Amir (ra), le Saint Prophète (saws) fine dire : « *Bane (parmi bane madames) ki demande zot maris divorce, zot bane hypocrites* », rapporté par At-Tabarani.

Toutefois, kan cause de divorce li juridiquement fondée, par exemple si ene madame trouver ki mari là pas attacher avec *Salaat/ Namaz*, fine abandonne *Salaat* ou ki mari là consomme bane boissons alcooliques et prend bane la drogues et les autres intoxicants, ou ki li oblize so madame pou commette ene acte interdit ou ki li injuste envers sa madame là kot li torture li ou prive li de so bane droits légale (islamique), et alors si tous bane conseils ki donne mari là pas abouti à nannié, ni bane tentatives de correction, alors madame là pas risquer nannié kan li demande divorce pour sauvegarde so la religion (*Deen-e-Islam*) – so la foi - et li-même personnellement.

Kan so madame dans so période (menstruation), li pas permette ki li (mari là) approche so madame ziska ki li fine purifier li complètement en prenant ene bain rituel (*Ghusl*) après so règles.

Si par le désir, ene kikaine fine gagne bane rapports sexuels avec so madame pendant so période de règles, li bizin donne la valeur d'ene poids d'ene dinar d'or ou environ 4.25 grammes. Sa li fondé lors ene Hadith. Hazrat Ibn Abbas (ra) fine rapporté saki Rassoollullah (saws) fine dire concernant ene dimoune ki gagne bane rapports sexuels avec so madame pendant so règles. Li (saws) fine dire ki sa missié là bizin donne ene dinar ou la moitié dinar en charité.

Kan ene missié étranger li en compagnie ene madame étrangère, *Shaitan* (Satan) faire beaucoup z'efforts pour tente bane dimoune et lutter pou faire zot tombe dans *Haram* (illicite). C'est pour sa raison là ki Allah Ta'ala fine mette en garde contre Satan ki prescrire l'immoralité et bane mauvais actes ki pas faire Allah plaisir ditout.

### **Bane *barakat* concernant gagne beaucoup z'enfants**

Allah (swt) fine oulé ki la descendance de l'homme arriver à travers l'union d'ene mama et d'ene papa. L'union d'ene missié et d'ene madame produire avec bane paroles de louanges d'Allah Ta'ala (Muslim). De ce fait le prophète (saws) fine enseigne nous, bane musulmans, pou accorde le prestige et le respect à bane parents de nous bane madames d'après zot rang de priorité. Allah Ta'ala dire : **« Et c'est Li (Allah) ki fine créer dimoune à partir de l'eau ; et Li fine donne li bane liens de parenté directes et par alliance (le mariage). »** (Al-Furqan 25 : 55).

Dans l'époque ki nous pé vive, bane couples préfère pas gagne beaucoup z'enfants. Zot avance comme raisons ene budget restreint et ene manque de temps. Au fait c'est ene signe de l'approche du Jour du Jugement ki bane couples pas pou souhaite ena z'enfants (Tabarani). Le Saint Prophète Muhammad (saws) fine annoncé ki parmi bane signes du Jour du Jugement : « ... *Bane couples ki ena beaucoup d'enfants pou bien chagrin alors ki bane madames stériles pou content...* » (Tabarani).

Donc, le concept de '*Family Planning*' fine prophétisé par le Saint Prophète Muhammad (saws), et le Quran rejette sa bane arguments de '*Family Planning*' là

et au contraire affirme ki gagne plisse z'enfants li pas ene source de pauvreté. Azordi jours nous trouver ki le fonds de pension pou insuffisant pour ene population vieillissant. Ena inquiétude lors sa sujet là parski pas ena assez z'enfants pour alimente ene jour le fonds de pension de bane vié dimounes ! Ene l'économie ki suivre le *Sunnah* zamais pas ti pou provoque ene tel déséquilibre. Si seulement nous capave écoute le Quran kan li dire : « **Pas touye ou zenfants, par peur de la pauvreté. Nous pou donne zot zot provisions pareil couma Nous donne ou.** » (Al-Isra 17 : 32).

Le Quran fine lié nous nourriture avec nombre z'enfants ! Donc, pas gagne tracas concernant couma zot pou nourri zot bane z'enfants parski c'est Allah Qui pou accorde à sa bane z'enfants là, zot bane nécessité à travers ou la mains même, à travers ou-même! Et kan zot pou ena moins z'enfants, alors bane moyens de subsistance pou également diminuer. Et finalement ou vieillesse pou considéré couma ene fardeau pour la population active (c'est-à-dire, section de la population ki pou bizin travaille dure pou ki ou vive bien avec ene pension raisonnable).

Allah (swt) dire dans Quran : « **Ou femmes, zot couma ene la terre à cultiver pou ou. Alle vers ou plantation kan ou oulé. Mais faire de bonnes actions d'avance...** » (Al-Baqara 2 : 224).

Dans ene la terre riche et fertile nous récolter bane légumes et bane fruits. Ene épouse li couma ene la terre fertile kot récolter bane z'enfants. Mais étant donné ki le principe agricole de la rotation de bane cultures exige ki nous laisse la terre reposer à certains moments, alors dimounes bizin suivre le principe de '*Family Spacing*' (kot donne le conjoint ene l'espace de repos) et non pas de '*Family Planning*' (kot contrôle naissance et restreindre le nombres z'enfants). C'est-à-dire, ki bizin laisse maman là reposer deux à trois ans afin ki li récupère impé la force pour porte et allaite le bébé suivant. Sa dépanne de la constitution de madame là. Nous capave juge sa par bane moyens médicales. Donc capave servi bane moyens courants pour évite la fécondation après ene premier naissance et sa, pour environ 3 ans. Kan bane parents passe zot les temps avec zot bane zenfants, surtout maman là, sa amène paradis pli proche de zot !

Fine rapporté dans Muslim Shareef ki celui ki fine élevé trois tiffles avec la piété et fine marié zot, alors li pou gagne le Paradis. D'autre part, celui ki fine élevé bane z'enfants avec la piété et fine éduque zot, alors li pou gagne la récompense

de zot bane actions auprès d'Allah. Concernant ene veuve ki fine refuse marier afin pou élève so bane z'enfants pendant ki li ti encore belle et jeune mais ki avec le temps li fine vieilli parski li fine consacrer so la vie entière à so bane z'enfants, le Saint Prophète (saws) fine promette ki li pou aussi proche de li ki deux les doigts d'ene la main (Abu Dawud).

Dans Bukhari Shareef fine rapporté ki ene fois ene madame fine pose ene question au prophète (saws) : « *Eski sa z'enfant là capave faire Hajj ?* » Le Saint Prophète (saws) fine réponde li : « *Oui, et c'est toi ki pou gagne récompense pour sa.* » (Bukhari).

Donc, sak bon action ki ene z'enfant pou fer, bane parents pou bénéficier de zot récompenses. Fine rapporté dans Muslim Shareef ki le Saint Prophète (saws) fine dire : « *Kan ene kikaine mort, alors so bane actions terminer, à l'exception d'ene aumône (ki li ti fer) ki bane dimounes pou toujours continuer bénéficier (Sadaqa Jariyah), d'ene l'enseignement de l'Islam ki li ti enseigné et finalement d'ene z'enfant pieux ki demande bane duahs pour li.* »

Finalement, fine rapporté dans Bukhari Shareef, ki Anas (ra) fine passe 10 ans au service du Saint Prophète (saws). Maman de Hazrat Anas ti faire le vœu pou recevoir bane *duahs* du Saint Prophète (saws) pour Anas (ra). Li fine gagne le *duah* du prophète pour recevoir la richesse, beaucoup z'enfants et bane bénédictions. (Bukhari). Fine rapporté de Bukhari Shareef ki li ti gagne plisse ki 120 z'enfants ! Donc, c'est le *duah* de *barakah* (bénédiction) du prophète (saws). Au fait, bane *barakat* vini avec beaucoup z'enfants. Au lieu de deux enfants, opter pour gagne au moins quatre. Coumsa, sa pou régler le problème de vieillissement de la population. Et aussi si ene de zot z'enfants parti, alle étudier et établir li dans ene l'autre pays, alors pou ena encore z'enfants avec ou, à ou côté pour reconforte ou dans ou vieillesse. Bane ki pas ena z'enfants, alors essaye sorti dans le chemin d'Allah (c'est-à-dire, faire travail *Deen*, *Dawa* etc.) pour recevoir bane bénédictions pou gagne bane z'enfants. Sinon, li pou très bien si ou adopter ene z'enfant orphelin. Mais li très important pou adopter ene bébé.

Ki Allah (swt) guide nous lors le droit chemin et toujours cherche le plaisir d'Allah (swt). *Insha-Allah, Ameen, Summa Ameen !*